

## სოციალური და კულტურული პროექტების სტუდენტური კონკურსი

პეტრე შოთაძის სახელობის თბილისის სამედიცინო აკადემია უკვე მეორედ აცხადებს სოციალური და კულტურული პროექტების სტუდენტურ საგრანტო კონკურსს.

2024 წელს, აკადემიაში შეიქმნა სოციალური და კულტურული პროექტების სტუდენტური ინიციატივების მხარდამჭერი საგრანტო პროგრამა, რომელსაც მართავს სხვადასხვა სფეროს წარმომადგენლებისგან დაკომპლექტებული კომისია. კომისიის მიზანია ინტერ და ტრანს-დისციპლინური ინიციატივების გაძლიერება ჯანდაცვის სფეროში არსებული კომპლექსური გამოწვევების გადასაჭრელად, რაც სრულ თანხვედრაშია აკადემიის მისიასთან — ემსახუროს საზოგადოებას და სარგებელი მოუტანოს საზოგადოებას.

სოციალური და კულტურული პროექტების სტუდენტური საგრანტო პროექტი უნდა შეესაბამებოდეს გაეროს მდგრადი განვითარების მიზნებიდან (SDGs) მინიმუმ ერთს (<https://sdgs.un.org/goals>) და/ან ეხმიანებოდეს თსა-ს სტრატეგიული განვითარების გეგმაში განსაზღვრულ ერთ-ერთ მიმართულებას:

1. საზოგადოებრივი ჩართულობა;
2. ჯანმრთელობის საკითხებზე ცნობიერების ამაღლება და ადვოკატირება;
3. გარემო და პლანეტური ჯანმრთელობა.

### საგრანტო წინადადების პირობები

#### წარსადგენი დოკუმენტები:

1. შევსებული საგრანტო განაცხადის ფორმა (იხ. დანართი);
2. პროექტის განხორციელების სამოტივაციო წერილი (შეიძლება მომზადდეს ინდივიდუალური განმცხადებლის ან სტუდენტური გუნდის მიერ), სადაც აღწერილი იქნება პროექტში მონაწილე სტუდენტების როლები და პასუხისმგებლობები;
3. პროექტში მონაწილე პარტნიორი ორგანიზაციების (ასეთის არსებობის შემთხვევაში) თანამშრომლობის სურვილის დამადასტურებელი წერილი(ები).

საგრანტო წინადადების საბოლოო წარდგენის ვადა: 2 მაისი, 2025 წელი

#### განმცხადებელი:

განმცხადებელი უნდა იყოს თსა-ს სტუდენტი ან სტუდენტთა ჯგუფი. პროექტში მონაწილე პირების როლები და პასუხისმგებლობები დეტალურად უნდა იყოს გაწერილი.

მისასაღმებელია თსა-ს აკადემიური ან მოწვეული პერსონალის ჩართულობა მრჩეველის როლში, რაც ხელს შეუწყობს აკადემიური კულტურის განვითარებას და ინსტიტუციური ერთობის გაძლიერებას.

### **პროექტის ხანგრძლივობა:**

მინიმუმ 3 თვე, მაქსიმუმ 6 თვე.

პროექტის განხორციელების პერიოდში განმცხადებლები ვალდებული არიან წარმოადგინონ პროექტის პროგრესის შუალედური და საბოლოო ანგარიშები პროექტის ხანგრძლივობის გათვალისწინებით.

### **ბიუჯეტი:**

თითოეული პროექტის მაქსიმალური ბიუჯეტი არ უნდა აღემატებოდეს 3000 ლარს. ბიუჯეტი არ ითვალისწინებს სახელფასო ჰონორარს. გამარჯვებული პროექტის ავტორებთან გაფორმდება შესაბამისი ხელშეკრულება.

### **შეფასების ფორმა:**

შეფასება განხორციელდება 1–3 ქულიანი სკალით, სადაც:

- 1 — მიუთითებს ყველაზე დაბალ ქულას,
- 3 — მიუთითებს საუკეთესო ქულას.

### **შეფასების კრიტერიუმები, რომლითაც იხელმძღვანელებენ კომისიის წევრები:**

1. **საზოგადოებრივი სარგებელი** - რამდენად მოუტანს შემოთავაზებული საპროექტო იდეა სარგებელს საზოგადოებას?
2. **ორიგინალობა** - არის თუ არა შემოთავაზებული იდეა ახალი და საინტერესო?
3. **წინადადების დიზაინი** - არის თუ არა წინადადება მაღალი ხარისხის (კარგად სტრუქტურირებული, მკაფიოდ ჩამოყალიბებული, კარგად დასაბუთებული)
4. **პროექტის განხორციელების შესაძლებლობა (feasibility)** - არის თუ არა სამუშაო გეგმა მკაფიო და შეუძლია თუ არა განმცხადებელს მიაღწიოს დაპირებულს?
5. **რეკომენდაცია** - რეკომენდაციას გაუწევდით თუ არა პროექტს დასაფინანსებლად?
6. **საერთო შეფასება** - განმცხადებლის და საპროექტო წინადადების შესახებ მოკლე მიმოხილვა, ასევე არის თუ არა რაიმე შემოთავაზება (როგორცაა როგორ გააუმჯობესოს წინადადება, თუ ის გადაწყვეტს ხელახლა გააკეთოს განაცხადი).

ასევე, განხილვისას გათვალისწინებული იქნება სტუდენტების პროფესიული პროფილი — პროფესიონალიზმი, აკადემიური მოსწრება, კვლევითი და ექსტრაკურთკულური აქტივობებში ჩართულობა.

საგრანტო წინადადებები მიიღება არა უგვიანეს 2025 წლის 2 მაისისა შემდეგ ელექტრონულ მისამართზე: [studentgrants@tma.edu.ge](mailto:studentgrants@tma.edu.ge). გამოგზავნილი წერილის სათაურში (Subject line) მითითებული უნდა იყოს: „**Student Competition of Social and Cultural Project**“.

ინფორმაცია გამარჯვებული პროექტების შესახებ გამოქვეყნდება თსა-ს ვებგვერდზე და სოციალურ ქსელებში.

დამატებითი კითხვების შემთხვევაში დაგვიკავშირდით: [studentgrants@tma.edu.ge](mailto:studentgrants@tma.edu.ge)